

Ս. Բարխուդարյան

ՄԵԾ ԳԻՏՆԱԿԱՆԸ

19-րդ դարի վերջին և 20-րդ դարի սկզբին Պետերբուրգի համալսարանը փայլում էր իր բանասիրական և արևելագիտական ֆակուլտետներով: Այդտեղ իրենց հիանալի դասընթացներն էին կարդում համաշխարհային այնպիսի խոշոր գիտնականներ, ինչպես Ժեքելյեն, Բարտոլդը, Մառը և ուրիշները:

Գիտության այդ փստղերը դեպի իրենց էին ձգում ուսական ընդարձակ կայսրության բոլոր կողմերից ուսումնածարավ և տաղանդավոր պատանիներ:

1904 թ. ուսումնական տարվա սկզբին Պետերբուրգի համալսարանի հինավուրց և մռայլ կամարների տակ երևաց բոցավառ աչքերով, նուան հատիկի պես ալ ու թափանցիկ շրթունքներով, սաթի նման սև ու խիտ մազերով 17-ամյա մի պատանի, որն իր հետ բերել էր իր հինավուրց ժողովրդի իմաստությունն ու աշխատասիրությունը, իր հայրենիքի թեժ արևի ճառագայթներով առեցուն ջերմ ու վառվռուն սիրտը:

Նա հասակ էր առել հնադարյան Կովկասի բազմազգ ժողովուրդների խաչմերուկ Թիֆլիսում, Կլասիկ գիմնազիայում սովորել հեռավոր և շրջապատի հին կուլտուրական ժողովուրդների մերթ երջանիկ և մերթ արյունոտ պատմությունները, ուրախացել այդ ժողովուրդների հաշտ ու խաղաղ բարեկամությամբ, վշտացել սեփական ու օտար բռնապետների ջանքերով հրահրված կռիվների հետևանքով ժողովուրդների և նրանց ստեղծած կուլտուրաների ոչնչացման համար:

Նրա սուր միտքը, ջերմ սիրտը պատասխաններ էին որոնում բոլոր մեծ մարդկանց հոգին խռովող դաժան հարցերին — որոնք են ժողովուրդներին և նրանց ստեղծած հոյակապ կուլտուրաները ոչնչացնող թշնամանքի ու պատերազմների պատճառները, և որն է այն ուղին, որով գնալով, ժողովուրդները պետք է արգասավորեն և ծաղկեցնեն իրենց հազարամյա կուլտուրայի գոսացած ծառը:

Նա հավատացած էր, որ գիտությունները այդ հարցերին պիտի պատասխան տան, դրա համար էլ իր ստացած կլասիկ գիտելիքներին համապատասխան, ընտրեց Պետերբուրգի պատմա-բանասիրական ֆակուլտետը:

Ուսման և իմաստության ծարավի այդ պատանին Հովսեփ Աբգարի Օրբելին էր, ապագա մեծ արևելագետն ու կովկասագետը:

Ըր կրակոտ խառնվածքի մղումով և բազմակողմանի ընդունակություններով նա միատեսակ սիրով ու թափով սկսեց խորանալ միաժամանակ բանասիրական, պատմական, լեզվաբանական և հնագիտական գիտությունների մեջ:

Հ. Ա. Օրբելու փայլուն ընդունակությունները, ջերմ ու անմիջական խառնրվածքը, անսահման ու կրքոտ սերը դեպի Արևելքի և հատկապես Կովկասի ժողովուրդների անցյալ կուլտուրան ու պատմությունը, շատ շուտով նրա՛ն սիրե-

լի դարձրին իր մեծանուն ուսուցիչներին, որի հետևանքով, ղեկևս երկրորդ կուրսի ուսանող, 1906 թ. նա մասնակից դարձավ Անիի պեղումներին:

Հենց այդ ժամանակից էլ սիրելի Անին դարձավ երիտասարդ գիտնականի ելակրորդ, գործնական համալսարանը, որտեղ և ձևավորվեցին մեծ գիտնականի հետագա գործունեության լավագույն ծրագրերը և դրանք կատարելու հիմնական մեթոդը. հիմն կուլտուրական ժողովուրդների անցյալն ուսումնասիրելու միակ ելիշտ ուղին նրանց մտավոր և նյութական ստեղծագործությունների համատեղ և փոխադարձ կապերի ու ազդեցությունների միասնական ուսումնասիրության ուղին է:

Անին դարձավ այն հնոցը, որտեղ կյանքի իրական մնացորդների հետ համեմատվելով, փորձարկվում էին Պետերբուրգի առաջավոր գիտության տեսությունները, այդ գիտնականի մեջ ամրապնդվում է պատմության խմաստությունը — ժողովուրդների կուլտուրական փապերի և ազդեցությունների, կուլտուրական արժեքների ստեղծագործության ասպարեզում ժողովրդական մասսաների խոշորացումը դեբի, հիմն կուլտուրաների վերհանման ասպարեզում նացիոնալիստական սահմանափակվածության վնասակարության մասին և այլն:

Հենց երիտասարդ հասակից էլ Օրբելու անունը սերտորեն կապվում է Անիի հետ: Երիտասարդ գիտնականը տրամադրության և կրքի մարդ է, նա գիտե հավասար խորությամբ սիրել ու առել և ում կամ ինչը սիրեց, կնվիրաբերի իր հարուստ մտքի և հոգու բոլոր կարողությունները, անձնուրացաբար, անհաշիվ և անվճար: Հնագիտության և Անիի միջոցով նա ճանաչեց և սիրեց միջնադարյան արևելքի քաղաքական և կուլտուրական կենտրոններից մեկում, Անիում, շերտ-շերտ, կողք-կողքի, իրար միաձուլված լազմազգ ժողովուրդների մտքի և նյութական կուլտուրայի արժեքները և դրանց ուսումնասիրության միջոցով սիրեց այն բոլոր ժողովուրդներին, որոնք բնակվել և ստեղծագործել են այդտեղ, քաղաքի հզոր դարպասներից մտել որպես բարեկամներ, կազավաններով ներս բերել մտքի և ձեռքի հանճարով կերտած արվեստի առարկաներ, և խորը, մեծ կրքով ատեց ժողովուրդների վզին նստած և նրանց ղեպի պատերազմ ու ավերածության քող թագավորներին ու զորավարներին, որոնց կատարած նախճիրների կենդանի վկաններն էին ժողովուրդների տաղանդի ստեղծագործած Անիի ճարտարապետական կիսականգուն կոթողները և նրանց փլատակների տակ թաղված արվեստի և կուլտուրայի մեծարժեք հուշարձանները:

Իրեն հատուկ բուռն եռանդով Օրբելին նվիրվեց արևելքի ժողովուրդների պատմության և կուլտուրայի ուսումնասիրությանը՝ անկախ ազգությունից և կրոնից, փնտռեց, գտավ և ուսումնասիրեց հայ, վրացի, ադյան, պարսիկ, թուրք և բուրդ ժողովուրդների կուլտուրական արժեքները, իր սրաթափանց մտքով որոշեց նրանց ժողովրդական, համաարևելյան բնույթը, սերտ կապերը հարևան և հեռավոր ժողովուրդների կուլտուրաների հետ և յուրաքանչյուրի առանձնահատուկ նշանակությունը իր ժողովրդի և համայն Արևելքի կուլտուրան ճանաչելու, համամարդկային կուլտուրայի ակունքները մեկնաբանելու գործում:

Օրբելու աշխատությունների մի բանիսի վերնադրերի թվարկումն անգամ լավագույն ասպացույցն է այդ մասին: Հայկական արվեստ, վրացական արվեստ, սասանյան արվեստ, մուսուլմանական արևելք, Ռուսթավելու էպոխայի

հուշարձանները, Սասունցի Դավիթ և լազմաթիվ այլ երկասիրություններ: Նա ոչ միայն գիտնականի իր աշխատասենյակում նստած էր ուսումնասիրում այդ բոլորը, այլև հնագետի բրիչը ձեռին թափառում էր արևելքի փոշոտ ու հին ճանապարհներով և ամենուր փսրում ու փոշիների տակից հանում էր ժողովուրդների ստեղծած արժեքները: Նույն սիրով ու եռանդով, ինչպես Անիում, նա Վանում, էջմուռում և Բայազետում ուսումնասիրում էր մուսուլմանական ճարտարապետական հուշարձանները, Վանում պեղում էր ուրարտական թագավոր Սարգուր Զ-րդի հուշակավոր տարեգրությունը, Վասպուրականի ձորահովիտներում, Մոկսում ուսումնասիրում էր տեղական բարբառը և բանահյուսությունը, նա սովորում է քրդերեն լեզուն և կազմում ռուս-քրդերեն բառարան, աննախընթաց թափով ուսումնասիրում հայ ճարտարապետության և կուլտուրայի շտեմարան Աղթամարի տաճարը:

Ակադ. Օրբելին գիտական լայն էրուդիցիայի հետ միասին օժտված է նաև կազմակերպչական խոշորագույն ձիրքով: Ստանձնելով մեր մեծ Միության սլավոնաբան կազմող էրմիտաժ թանգարանի գիրքակառուցությունը, նա ահռելի աշխատանք կատարեց ցարական այդ զվարճարանն ու գեղեցիկ առարկաների սլահեստը վարձնելու համամարդկային արվեստի թանգարան և մասսաների սլատմա-գեղարվեստական դաստիարակության լավագույն օջախ՝ «Ընտրյալ և աղնիվ» ժողովուրդների կուլտուրաների կողքին, Օրբելին էրմիտաժի բնագործակ գահլիճները լցրեց արևելյան «ստոր» ժողովուրդների կուլտուրական կոթողներով, նա ջնջեց «աղնիվ» և «անաղնիվ» ժողովուրդներ ռեակցիոն հասկացողությունը գործնականորեն. արևելքի ժողովուրդների ստեղծած կուլտուրայի մասին իր համոզմունքները նա թանգարանի սրահներում կազմակերպած փայլուն ցուցահանդեսների միջոցով դարձնում էր շոշափելի ու համոզիչ: էրմիտաժի հաղարի հասնող գիտական և տեխնիկական կոլեկտիվը, նրա ղեկավարությունով, աշխատում էր լարված ժամացույցի ճշտությամբ և կարճ ժամանակում այն զրավեց ցարերի ողջ Ձմեռային պալատը և դարձրեց համաշխարհային կուլտուրայի մեծագույն օջախներից մեկը:

Ակադ. Օրբելու տեսական և գործնական աշխատանքները նրա անունը տարածեցին ողջ գիտական աշխարհում, նա դարձավ համաշխարհային կուլտուրական կոնգրեսների ու հորելյանների ոգին. նրա կազմակերպչական փայլուն տաղանդի լավագույն գործերից են Ֆիրդուսու, Շոթա Ռուսթավելու, Նիդամու, Սասունցի Դավիթի, Նավոյիի և Պուշկինի հորելյանների փայլուն կազմակերպումը, իվերջո Հայկական ՍՍՌ Գիտությունների ակադեմիայի կազմակերպումը և նրա առաջին պրեզիդենտի պատիվը:

Ութեր բախտ են ունեցել նրա աշխատակիցը լինելու, նրա բազմազան գործունեության որևէ բնագավառում, երբեք չեն կարող մոռանալ այն սևողծագործական և կազմակերպչական թափը և սերը, որ նա մտցնում էր ամբողջ կոլեկտիվի մեջ, այն անձնուրաց նվիրվածությունը գործին, որով վարակում էր նա իր աշխատակիցներին: Չենք կարող չհիշել 1936 թ. նրա ղեկավարությամբ կազմակերպված Ամբերդի պեղումները: Իր շուրջը հավաքած Լենինգրադի և Երևանի մի խումբ երիտասարդ հնագետներ, նա սկսեց Արագածի բարձր լանջում պեղել միջնադարյան Հայաստանի այդ նշանավոր բերդ-գղջակը: Շրջակա գյուղերից հավաքվեցին մեծ թվով բանվորներ, ամեն հասակի ու հասկացողության տեր մարդիկ, երկու-երեք օրվա բնթացքում գիտական աշխատավորների

և բանվորների այդ մեծ հավաքածուն միաձուլվեց և դարձավ մի համերաշխ և ուրախ բնտանիք. Օրբելին ոչ միայն օրինակելիորեն կազմակերպեց այդ ամառյի վաչրում բնակարանի ու սննդի գործը, այլև դարձանալի արագությամբ ստեղծեց նրանց համար հանգստի ու զվարճության սպասաններ: Օրվա ընթացքում նա շրջում էր պեղման բոլոր կետերը, մխրձվում աշխատանքի բոլոր մանրամասների մեջ, թիկունքը դեմ տված, բանվորների հետ շրջում ծանր քարարկելորեն, աշխատանքից անմիջապես ազատում թեթև տկարություն զգացող բանվորներին, իր անսպաս գրպաններից նախապես զեղորայք ընդունել տալով. նախաճաշի, ճաշի և աշխատանքի վերջի ժամերը յրանալիս չէր հանգուրժում մեկ բոպի ափելորդ աշխատանք. աշխատանքից հետո, հագնված օրվա փոշիները մաքրած ու ճաշած, բանվորների հետ, մինչև ուշ երեկո, կազմակերպում էր զբոսայգիներ, սիրում էր և պատմել և լսել ժողովրդական զբոսայցիներ. իսկ վերջում, Արագածի թափշապատ բարձրունքներով, հնչում էր ժողովրդական զիլ երգն ու պարը մինչև կես գիշեր: Նա բանվորներից բաժանվում էր շատ ուշ, հաջորդ օրվա աշխատանքի համար պիտական աշխատավորներին հրահանգներ տալու ու քնելու:

Մի բանի օրվա ընթացքում այդ բազմազան մարդկային հավաքածուն դարձավ նախապես բնտանիք, որն իր զեկավարին տվեց «հայրիկ» սիմվոլիկ անունը:

* * *

Մեծ գիտնականի և իսկական մարդու կողքին ակադ. Օրբելու հոգու մեջ նստած է և մեծ ուսուցիչը: Աշակերտները սովորական ուսուցչին պատկերացնում են դասարանում, ուսանողները՝ լսարանում և գիտնականները՝ զբոսի մեջ, բայց այդ ամենը գեոես իսկական ուսուցչի և Օրբելու տիպը չեն. Օրբելին ուսուցիչ է լսարանում, զբոսում, փողոցում, տանը, ճանապարհին և պեղման վաչրերում: Նրա սիրած աշակերտները նրա տան մոտիկ և մշտական այցելուներն են, մոտիկ և հեռավոր ճամբորդությունների ուղեկիցները, ամենօրյա զբոսայցիների ունկնդիրները. նա ոչ միայն սիրում է իր աշակերտներին, այլ սիրահարվում է նրանց, ձգտում է ամենուր և ամեն ինչ տալ նրանց, հետևում է նրանց ստեղծագործական կյանքի բոլոր քայլերին, խնամում հոր պես, հոգ տանում նրանց աշխատությունների տպագրության և աշխատանքի սպասաններին ստեղծման համար: Ով եղել է նրա աշակերտը և սիրելի նրանից, գիտե, որ բնգմիշտ ունի մի հայր և ուսուցիչ, որի միտքը, սիրտը և խնամքը հետևում են իրեն ամեն տեղ: Մեկ բառով ու նախազաստությամբ արտահայտած նրա մտքերը նրա աշակերտների համար դարձել ու դառնում են ստեղծագործական աշխատանքի ուղեցույցներ, գիտական թեմաներ և հաստ գրքերի աղբյուրներ: Ակադ. Օրբելին ուսուցիչ է, այդ բառի ամենալավագույն և կատարյալ իմաստով:

Ակադ. Օրբելին մեծ հայրենասեր է և քաղաքացի. Լենինգրադի հազարավոր բնակիչներ հիշում են նրա կրակոտ ճառը զորամասերում և ռազիոյով, ֆաշիստական շրջապատման ծանր օրերին, Էրմիտաժի աշխատակիցները՝ զարմանքով են պատմում այն անխոնջ, անբուն գիշերների մասին, երբ այդ մեծ մարդը կազմակերպում էր Էրմիտաժի համաժողովրդական արժեքների մեծա-

դույն դանձերը ֆաշիստական բանդաներից փրկելու գործը, մեր Հայրենիքի հետաժողի և աղաճում նկուղներում թաքցնելու համար: Բակ ո՞վ կարող է մոռանալ համամարդկային վշտով ու ափսոսանքով լցված նրա մեղադրական ճառը Նյուրնբերգի սրահներում՝ ուղղված մարդկության և ժողովուրդների թշնամի ֆաշիստների կուլտուրաստան քաղաքականության դեմ:

Թվիլ աւագ. Օրբելու մեծ ծառայությունները արեւելագիտությանը, կովկասագիտությանը և հատկապես հայագիտությանը, մի հակիրճ հոգովածով, անհնա-րին է և մի մարդու կարողությունից վեր, բայց կուղենայինք մի քանի խոսքով կանգ առնել նրա հիմնադրած մի կարեւոր ձեռնարկության վրա. դա հայկական արձանագրությունների հավաքման, մշակման և հրատարակման գործն է:

Անխում աշխատելու սկզբից Օրբելու ուղադրությունը՝ դրավեցին հուշար-ձանների վրա սփռված հարյուրավոր վիմական արձանագրությունները Հրատա-րակությունների հետ կատարած թոուցիկ համեմատությունը համոզեց նրան, որ պատմա-կուլտուրական մեծ արժեք և սկզբնաղբյուր հանդիսացող այդ գո-կումենտները հրատարակությունների մեջ մեծ շափով անճիշտ են, աղավաղ-ված:

Հենց այդ ժամանակից էլ նրա սիրտ առարկան դարձան հայկական արձա-նագրությունները և նրանց հավաքման ու հրատարակման գիտական մեթոդների մշակման հարցերը: Թեքստ գիտական որեւէ բնագավառ, որին ձեռնամուխ է եղել Օրբելին, այնքան տեսականորեն չի մնացել նրա ուղադրության կենտրո-նում, ինչպես այդ:

19-րդ դարի գիտադան միտքը հին ժողովուրդների պատմության և կուլ-տուրայի ուսումնասիրության սկզբնաղբյուրների վրա ավելացրել էր նաև այդ ժողովուրդների թողած բազմազան հուշարձանների վրա եղած արձանագրու-թյունները. Եվրոպայի գիտնականները հավաքել և հրատարակել էին հունա-կան, լատինական, սեմական ժողովուրդների արձանագրությունների լրիվ ժո-ղովածուները:

Հայկական բազմահազար արձանագրությունները ևս հավաքվել և հրատա-րակվել էին. բայց թե՛ հավաքման, և թե՛ հրատարակման մեթոդները հեռու էին ժամանակակից գիտության պահանջներից: Հայկական արձանագրությունե-րով դրադոզների մեծ մասը եղել էին ճանապարհորդներ ու տեղագիր հեղինակ-ներ, որոնք բնարել էին միայն ակնառու պատմական գեմքեր ու երևույթներ նշող արձանագրությունները. այդ հավաքածներն էլ ենթարկվել էին աղավա-ղումների, նրանց մեջ չէին պահպանվել լեզվական, ուղղագրական և այլ առանձնահատկությունները, որի շնորհիվ նրանց գիտական արժեքը խիստ նվազ էր:

Սրիտասարդ լեզվաբան, բանասեր և պատմաբան Օրբելին անմիջապես եկատեց, թե հայ արձանագրությունների հավաքման և հրատարակման որակը որքան ցածր է ևվրոպացիների կատարած աշխատանքի համեմատությամբ: Նա մշակեց հավաքման և հրատարակման նոր մեթոդ, որի էությունն այն էր, որ սղագրված արձանագրությունը իր բոլոր մանրամասնություններով պիտի ար-տահայտեր քարերի վրա գրվածի պատկերը, տառաձևերը, տառերի միացումնե-րը, սղումները, քերականական և ուղղագրական առանձնահատկությունները. մի խոսքով՝ ամեն ինչ տալ այնպես, ինչպես նրանք կան իրականում և բոլոր

վերծանումներին կցել արձանագրությունների լուսանկարները, որպես ստուգող փաստաթղթեր:

Այդ մեթոդով հրատարակությունն ուներ շատ դժվարություններ, որոնցից ամենագլխավորը հատուկ շրիֆտ ստեղծելն էր. պետք էր այնպիսի տառաձևեր ստեղծել, որոնցով հնարավոր լիներ արտահայտել արձանագրական գրչության առանձնահատկությունները, իսկ դրա համար հարկավոր էր նախապես ուսումնասիրել այդ առանձնահատկությունները, պարզել տառերի միացումների բոլոր հնարավոր տեսակները, պատրաստել դրանց գծագրությունները և ձուլել տպագրական յուրահատուկ շրիֆտ: Անխոնջ գիտնականը պատվով կատարեց այդ դժվարին գործը: Յուրաքանչյուր գործի բոլոր մանրամասնությունների և տեխնիկական առանձնահատկությունների մեջ խորամուխ լինելու իր խառնրվածքի շնորհիվ, ամիսներով մխրճված է ենինգրադի Ակադեմիայի ներքնահարկու խոնավ տպարանում, սովորում էր դրաշարական գործը, փորձում իր ստեղծած տառաձևերի պիտանիությունը և կատարելագործում այն. այդ բոլորի արդյունքն եղավ այն, որ սկսեցին աստիճանաբար լույս տեսնել Անիից և Անիի շրջապատից հալաքած նրա արձանագրությունները մամուլում և առանձին պրակներով՝ իր մշակած մեթոդով և տպարանում շարված իր ձեռքով: Ականատեսները, որոնցից շատերը կենդանի են, դարմանքով են պատմում նրա համառության և իր սիրած աշխատանքի սև գործի մեջ մխրճվելու հիվանդության մասին. դա ստեղծագործական հիվանդություն է, որ հատուկ է միայն մեծ գիտնականներին:

Պատմության ընթացքում հայ ժողովրդի ստեղծագործած կուլտուրական արժեքները, չար բախտի բերումով, պարբերաբար, ոչնչացման են ենթարկվել, այդ բախտին արժանացավ նաև նրա որդու ակադ. Որբելու ստեղծած արձանագրական շրիֆտը. 1924 թ. ափերից Նևիայի դուրս հորդած ջրերը լցվեցին Ակադեմիայի տպարանը և ուրիշ արժեքների հետ տարան-ոչնչացրին այդ շրիֆտը: Սակայն Փյունիկ հավքի նման հայ ժողովուրդը բոլոր տեսակի ավերածություններից հետո դիտե միշտ նորից հառնել և լծվել ստեղծագործական աշխատանքի: Սոցիալիստական Մեծ Ռևոլյուցիայի հետևանքով նոր կյանք առած մեր ժողովուրդը ուրիշ կուլտուրական նվաճումների շարքում ձեռնամուխ է եղել նաև այդ կորստի վերականգնմանը: Ակադ. Որբելու մշակած մեթոդներով այժմ նրա դաստիարակած աշակերտներն են աշխատում:

Այս տարի յրանում է մեծատաղանդ գիտնականի, մարդու, ուսուցչի, քաղաքացու պայծառ կյանքի 70 տարին, մեր մեծ երկրի բազմադգ ժողովուրդները, գիտնականները, ամբողջ աշխարհի արևելագետները երախտագիտության մեծ զղացում, ջերմ խոսքեր կրերեն ալեհեր գիտնականին. իսկ մենք, Հայաստանի նրա աշակերտներս, քսանամյա և հիսունն անց, անձամբ թե հեռվից կղրկենք մեծ հայրենակցին և աննման ուսուցչին, կհամբուրենք նրա երախտավոր ձեռքը և երկար, շատ երկար տարիների կյանք ու առողջություն կմուղթենք նրան: